

דברים פרק יג -- עיר הנדחת

(יג) כי תשמע באחת עריך אשר יקוק אלהיך נתן לך לשבת שם לאמר:

(יד) יצאו אנשים בני בליעל מקרבך וידיחו את ישבי עירם לאמר גלכה ונעבדה אלהים אחרים אשר לא ידעתם:

(טו) ודרשת וחקרת ושאלת היטב והנה אמת נכון הדבר נעשתה התועבה הזאת בקרבך:

(טז) הנה תפה את ישבי העיר ההוא לפי חרב החרם אתה ואת כל אשר בה ואת בהמתה לפי חרב:

(יז) ואת כל שללה תקבץ אל תוך רחבה ושרפת באש את העיר ואת כל שללה כליל ליקוק אלהיך והיתה תל עולם לא תבנה עוד:

(יח) ולא ידבק בידך מאומה מן החרם למען ישוב יקוק מחרון אפו ונתן לך רחמים ורחמך והרבך כאשר נשבע לאבותיך:

(יט) כי תשמע בקול יקוק אלהיך לשמר את כל מצותיו אשר אנכי מצוך היום לעשות הישר בעיני יקוק אלהיך:

דברים פרק יז – ע"ז דיחיד

(ב) כי ימצא בקרבך באחד שעריך אשר יקוק אלהיך נתן לך איש או אשה אשר יעשה את הרע בעיני יקוק אלהיך לעבר בריתו:

(ג) וילך ונעבד אלהים אחרים וישתחו להם ולשמש או לזרע או לכל צבא השמים אשר לא צויתי:

(ד) והגד לך ושמעת ודרשת היטב והנה אמת נכון הדבר נעשתה התועבה הזאת בישראל:

(ה) והוצאת את האיש ההוא או את האשה ההוא אשר עשו את הדבר הרע הזה אל שעריך את האיש או את האשה

ויסקלתם באבנים ומתו:

(ו) על פי שנים עדים או שלשה עדים יומת המת לא יומת על פי עד אחד:

(ז) יד העדים תהיה בו בראשנה להמיתו ויד כל העם באחרונה ובערת הרע מקרבך:

דברים פרק יט – עדים זוממין

(טו) לא יקום עד אחד באיש לכל עון ולכל חטאת בכל חטא אשר יחטא על פי שני עדים או על פי שלשה עדים יקום דבר:

(טז) כי יקום עד חמס באיש לענות בו סרה:

(יז) ועמדו שני האנשים אשר להם הריב לפני יקוק לפני הכהנים והשפטים אשר יהיו בימים ההם:

(יח) ודרשו השפטים היטב והנה עד שקר העד שקר ענה באחיו:

(יט) ונעשיתם לו כאשר זמם לעשות לאחיו ובערת הרע מקרבך:

(כ) והנשואים ישמעו ויראו ולא יספו לעשות עוד בדבר הרע הזה בקרבך:

(כא) ולא תחוס עינך נפש בנפש עין בעין שו בשו יד ביד רגל ברגל:

ויקרא פרק כ

(יז) ואיש אשר יקח את אחותו בת אביו או בת אמו וראה את ערותה והיא תראה את ערותו חסד הוא ונכרתו לעיני בני

עמם ערות אחותו גלה עונו ישא:

שמות פרק כא

(יד) וכי יזד איש על רעהו להרגו בערמה מעם מזבחי תקחנו למות:

במדבר פרק טו

(לב) ויהיו בני ישראל במדבר וימצאו איש מקשש עצים ביום השבת:

(לג) ויקריבו אותו המצאים אתו מקשש עצים אל משה ואל אהרן ואל כל העדה:

(לד) ויניחו אותו במשמר כי לא פרש מה יעשה לו:

דברים פרק כב

(כג) כי יהיה נער בתולה מארשה לאיש ומצאה איש בעיר ושכב עמה:

(כד) והוצאתם את שניהם אל שער העיר ההוא וסקלתם אתם באבנים ומתו את הנער על דבר אשר לא צעקה בעיר ואת

האיש על דבר אשר ענה את אשת רעהו ובערת הרע מקרבך: